



## Future-proofing our children

Sikolo sa la Sunda – Sitopa sa Pili

Toho ya Tuto

Bupilo ni lifu

# Buka ya Bashemi

Sikolo sa la Sunda sa mwa Malapa



# Balatiwa Bashemi

Mwa amuhelwa kwa tuto yeli “**Bupilo ni lifu**” ya Sikolo sa la Sunda ya Sitopa sa Pili. Pampili ye I mi fa liseli-nyana ka mo mu kona ku lutela tuto ye.

**Mukwa mo mu kona ku itukiseza ni kufa tuto ye ka ona**

Ze tatama ki zeñwi zeo mu swanela ku ezeza mwa ku itukiseza ni ku fela tuto ye:

Muhato	Kezo
1.	<p>Mu kene fa likepe la Keleke Yenca ya Baapositola, ka ku sebelisa likepe le fa WhatsApp:</p> <p><a href="https://bit.ly/3NACSSH5">https://bit.ly/3NACSSH5</a></p>
2.	<p>Mu be ni lisebeliso ze tatama kuli mu kone ku itukiseza kufa hande tuto:</p> <ul style="list-style-type: none"> <li>• Bibebe</li> <li>• Mapampili a lukisizwe kale a tuto ye.</li> <li>• Buka mwa sebeleza mwanana, lipotoloto ni lipendiso za banana, ni zeñwi cwalo.</li> <li>• Maswaniso aku buha a lukisizwe a kona ku sebeliswa ku ekeza fa halimu a tuto (ha ku konahala)</li> <li>• Katekisema ni buka ya lipuzo ni likalabo (Kwa banana ba bali mwa litopa za Tiisezo)</li> </ul> <p><b>Mamela:</b></p> <p>2.1: Nako yende yakufa tuto ki la Sunda ka kusasani, ka samulaho a sebelezo, sina banana ha ba fiwanga lituto ka nako yeo.</p> <p>2.2. Mukupiwa ku eza tuto ye bukuswani ha ku konahala, ka ku hupula nako nyana yeo banana ba kona ku teezeza ni ku utwisisa hande.</p> <p>(Mu sike mwa bulela ze sa ami tuto) ya mwanana – Ki mina mu ziba hahulu mwana mina ni ku fita.</p> <p><i>Ka mulao, sikolo sa la Sunda hasi swaneli ku fitelela mizuzu ye mashumi a mane ka ye ketalizoho (45 minutes).</i></p> <p>2.3: Lituto li kauhanyizwe ka litopa (Sikolo sa la Sunda, Lituto za Bibebe ni Tiisezo)</p> <p>2.4: Mulizeze kapa ku ikopanya ni muluti wa sikolo sa la Sunda ha mu tokwa tuso kwa lisebeliso ze bulezwi.</p>
3.	<p>Mu lapele (Mubone tapelo ye ñozwi, kwa mafelelezo) mi mukupe Mulimu kuli ami eze sisebeliso mwa kufa tuto ye, ka mwa latela.</p>



## Mufe tuto ya Sikolo sa la Sunda sa mwa Malapa

### Mukwa mo mu kona ku itukiseza ni kufa tuto ye ka ona

Lu zwela pili ku mifa mikwa, yeo muswanela ku itukiseza ni ku fa tuto ye:

Muhato	Kezo
4.	Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana. <b><i>Ka mutala:</i></b> Mu ine fa lishasha/ fa museme kapa fa lipula ku potoha tafule
5.	Mu eze sibaka sa tuto kuba se sinde (ku sina lilata) fo mina ni mwanana mu bani buino bo buswana. <b><i>Ka mutala:</i></b> Mu ine fa lishasha/ fa museme kapa fa lipula ku potoha tafule
6.	Mu iñolele tu ñusanyana twa butokwa to mubata ku hupula ha mufa tuto.
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwana mina tuto ye, ka ku mukandekela likande la tuto. Mu kona ni haiba ku mu balela likande le ha mu tabela.
9.	Mu supeze mwana mina video, mi muketele butokwa mwa tuto ye.
10.	Mu bulelele ni ku susuweza mwana mina kuli a eze musebezi o mwa buka ya hae, ya sikolo sa la sunnda.
11.	Mu lapele kapa mu kupe mwanana kuli a lapele kaku kwala tuto.

### Lisebeliso ze fumaneha ku amana ni Sikolo sa mwa Malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a sikolo sa la sunnda.
2. Mu ambole ni bashemi ba bañwi kuli mube ni kutwisiso ku amana ni tuto pili mu sika ifa kale ku mwana mina.
3. Mu be baba lukuluhile, ku batisisa litaba zeñwi kuama tuto ye.
4. Muongaongi ni muluti wa sikolo sa la Sunda mwa kopano yamina ba itukiselize ku mi tusa.



# Tuto

<b>Toho ya Tuto</b>	Bupilo ni lifu
<b>Palo ya Linzwi</b>	Ha kuna ku bala mwa Bibebe
<b>Mutomo/butokwa bwa Tuto</b>	Banana ba ituta kuli Jesu Krete u fa maata a bupilo. U ka etelela ni ku sindeketa bana Hae mwa bupilo.

## Kusufazo ya Tuto:

- Balatiwa banana, ni sepa mu ka lumelelana ni na kuli ņohola ne li silimo se si tata ku luna kaufela. Ku ezahezi lika zeņata zeo lu sa utwisisi.
- Fokuņwi ne lu tahelwa ki maswabi, sabo kamba bulutu.
- Fokuņwi ne lu ikutwa kuli ha kuna y'a n'a lu utwisisa, ni kuli ha kuna y'a n'a lu tolokela seo ne si ezahala.
- Lu nze lu lutiwa kuli lu kona ku ombola ni baluti ba luna heba inge lu katazwa ki se siņwi, kono fo kuņwi ni bona baluti ha ba koni ku lu tusa kamba k ulu fa Kalabo ye bunolo i li yeo i ka tisa kuli lu ikutwe hande.
- Kono, ku na ni yo muņwi y'o mu kona ku bulelela. Ni Yena u boni Manyando. U ka utwisisa pilaelo ya mina ni ku mi fa maata ku li mu kone ku zwelepili.
- Lu ambola ka Mulena Jesu.
- Ni haike kuli na shwile lilimo ze ņata-ņata ze felile, Na zuhile hape kwa bafu.
- Seo si lu fa sepo mi sa lu tabisa.
- Ni luna lu ka shwa lizazi le liņwi, kono moyo wa luna ha u boli, u zwelapili ku pila ni ha lu shwile. Muņ'a Bupilo u fa moyo wa luna mubili o munca. Ha lu zibi kuli mubili o munca wo u bonahala cwaņi, kono u shutanela kwa hule ni mubili wa luna wa cwale.
- Ka nzila yeo, Jesu ni Yena wa pila. Ha lu koni ku mu bona ka meeto a nama, kono lu kona ku lemuha ku ba teņi kwa Hae.
- Mulena Jesu u tokwa ku ba wa butokwa ku luna ni kuli a ine mwa lipilu za luna.
- Mu kona ku buza: "Kanti ni kona ku eza sikamaņi kuli ni be ni tumelo ye tuna cwalo ku Jesu Krete ni kuli ni be ni sepo yeo mwa pilu ya ka?"



- Mu ka amuhela seo mwa lisebelezo ze kenile sina ha mu ka lemuha bukaufi bwa Jesu Kreste.
- Ka linzwi la balumiwa ba Hae, Maprista, lwa tiiswa.
- Se lu utwile za batu ba ba ñata ba ba kula mane ni batu ba ba nze ba shwa.
- Lu utwela butuku bao kaufela ba ba kula. Ha lu koni ku utwisisa ka ku tala kuli batu ba pila cwañi mwa buino bo bu tata cwalo.
- Kono, ni ha ba inzi mwa buino bo bu cwalo, batu ba bañata ba sa li mwa tabo. Seo lwa si utwisisa.
- Ni haike ha ku bunolo ku mukuli h'a li mwa butuku ni manyando, ba fumana kuomba-ombiwa ni maata mwa litapelo kakuli ba na ni tumelo ye tezi ku Jesu Kreste.
- Buñata bwa bana ba Mulimu sina mina ni na, lwa ba lapelela mi seo si tisa buitumelo ku bona.
- Lu sepiwa kuli Jesu Kreste u ziba seo lu inzi ku sona kakuli ni Yena n'a nyandile hahulu.
- Seo si lu tiseza kuli lu si ke ku ikutwa bulutu, mi lu zwelapili ku bona lika ze nde ze lu potolohile ni ha lu nze lu kula ni ku nyanda cwalo.

### **Tuto ye italusa sika mañi ku luna kacenu?**

- Moyo ki wa butokwa ku fita mubili.
- Lu ka shwa lizazi le liñwi kaufela luna, kono mioyo ya luna i ka pila ku ya kuile.
- Ha lu sepa Jesu Kreste, lu ka ba mwa tabo ni sepo ya kuli lu ka mu bona Jesu ha ka taha hape ku to lu nga.
- Lu filwe Balumiwa ba Mulimu ku lu bonisa nzila, mi ka bona lu ituta kuli lifu ha ki ona mafelelezo a bupilo.
- Lu si ke lwa saba lifu, kakuli Jesu Kreste wa pila mi u lu sepiwa bupilo bwa kamita.
- Ku kona ku lemuha Jesu ku tisa tabo, ni mwa nako ya matuku ni maswabi.
- Y'o ya lemuha Jesu, u fiwa maata ni tundamo. Bupilo bu fiwa toloko ye nca mi lu utwisisa seo i li sa butokwa.
- Lu sepiwa kuli Jesu Kreste u pila ku luna mi u inzi ni luna ni h'a nze lu nyanda.
- Lu si ke lwa sabo kakuli Mulena u na nil una nako kaufela.



## Zeñwi za lipuzo zeo lu kona ku buza

**1. Kanti ku ezahalañi kwa mioyo ya luna ha lu shwa?**

**Kalabo:** Mioyo ya luna ha i boli mi ya pila ni h'a luna lu shwa, i pila ku ya kuile.

**2. Lu kona ku fumana cwañi kuomba-ombiwa ni maata ni ku lemuha Jesu?**

**Kalabo:** Ka linzwi la Mulimu, leo li tiswa ki Maprista mwa lisebelezo ze kenile.

**3. Kiñi ha lu sa swaneli ku saba lifu?**

**Kalabo:** kakuli Jesu wa pila mi u lu sepisize bupilo bwa kamita.

**4. Kana kikuli mu ziba mutu yo muñwi ya kula nji?**

**Kalabo:** Mu ba lapelele.

## Tapelo ya Bondate ni Boma ye fiwa pili tuto i si ka tateka:

*Mulimu ya lateha. Lwa itumela kwa lizazi la kacenu*

*Fuyola bashemi ni banana ba luna*

*Tusa kuli lu kone ku lemuha ku bateni kwa Hao*

*Fuyola tuto ye lu taba ni yona*

*Lwa kupa, u lu lute mo lu swanela ku ku sebeleza*

*Mi u lutuse ku eza tato ya Hao*

*Kuli lu hule mwa kuba bukaufi ni wena*

*Luma Jesu a to lu nga*

*Mi u lutuse ku ba ba ba itukiselize ku mu katanyeza*

*Amen*